

焦氏易林

541
4



焦氏易林卷第十三

革之第四十九

革 馬服長股宜行善市蒙祐諧偶獲金五倍

乾 高原峻山陸土少泉草木林麓嘉得所蓄

坤 一門二關結緝不便峻道異路日暮不到

屯 憂禍解除喜至慶來坐立懼門與樂為隣

蒙 踈類異路心不相慕牝牛牡豸鰥无室家

需 太王為父王季孝友文武聖明仁政興起旦隆四國載福

綏厚

訟 臨河求鯉燕婉失餌屏氣攝息不得鯉子

師 買利求福莫如南國仁德所在金玉為寶

比 白虎赤憤闕觀王庭宮闕被甲大小出征天地煩憤育不

利
316
4



所錢文
有物那



革

易林一三

一

士礼居藏

能嬰

小畜子車鉞虎善人危殆黃鳥悲鳴傷國无輔

履 兩目失明日暮无光脛足跛步不可以行頓於丘傍

泰 羅網四張鳥无所翔伐征困極飢窮不食窮一作寒

否 伯夷叔齊貞廉之師以德防患憂禍不存婦妹之臨泰之乾比之剝

同人 疾貧望幸使伯行販開牢擇羊多得大牂夫之觀否之坎

大有 南山之陽華葉鏘鏘嘉樂君子為國寵光

謙 東壁餘光數暗不明主母嫉妬亂我業事

豫 迷行晨夜道多湛露濺我袴襦重不可涉

隨 目潤足動喜如其願舉家蒙寵

蠱 鷹鷄欲食雉兔困急逃頭見尾為害所賊

臨 鼻移在項枯葉傷生下朽上榮家擾不寧失其金城

觀 飛不遠去法為罔待祿養未富

噬嗑 倒基敗宮重舌作凶被髮長夜迷亂相誤深亡吉居

賁 亥午相錯敗亂緒業民不得作

剝 野麋畏人俱入山谷命短不長為虎所得死於牙腹

復 秋冬探巢不得鵲鷦銜指北去愧我少姬觀之屯

无妄 雙鳧俱飛欲歸稻池經涉濯澤為矢所射傷我曾臆屯之履感之比

大畜 天門開闢牢户寥廓桎梏解脫拘囚縱釋小畜之泰蹇之謙

頤 尼父孔丘善釣鯉魚羅釣一舉得獲萬頭富我家居漸之明夷

大過 彭君為妖暴龍作災盜堯衣裳聚跖荷兵青禽照夜三日

夷亡

坎 華言風語亂相狂誤終无凶事安寧如故咸之頤

離 逃頸見足身困不辱欲隱避仇為害所賊

咸 无足斷跟居處不安凶惡為殘

恒 三人俱行北求大祥長孟病足倩李負囊柳下之貞不失

我糧

遯 退飛見祥傷敗毀墜守小失大功名不遂

大壯 持心懼怒善數搖動不安其處散災府藏无有利得

晉 牽尾不前逆理失臣惠朔以奔

明夷 祿如周公父子俱封

家人 吾有八人信允篤誠為堯所舉

睽 久陰霖雨泥塗行潦商人休止市空无寶 大過

蹇 无足斷跟居處不安凶惡為殘

解 馬蹄躓車婦惡破家青蠅汚白恭子離居

損 噂噂所言莫如我垣懽樂堅固可以長安 乾之困大有之屯

益 懿公淺愚不深受謀无援失國為狄所賊

夬 騏驥綠耳章明造父伯夙奉獻襄續厥緒佐文成伯為晉

元輔

姤 駕車入里求鮮魴鯉非其肆居自令後市 二聖八典之文

萃 求麇嘉鄉惡地不行道止中遷復反其牀

升 伏鳩負裝醉卧道傍不知何公竊我錦囊

困 登崑崙入天門過糟丘宿玉泉同惠歡見欣君 比之姤震之革

井 水為火壯患厭不起季伯夜行與喜相逢

鼎 烏孫氏女深目黑醜嗜欲不同過时无耦

震 子鉏執麟春秋作元陰聖將終尼父悲心 豫之大

艮 灼火泉原釣魴山巔魚不可得炭不可燃 鼎之旅

漸 天馬五道炎火久處往來上下非文釣已衣衰絲麻相隨

在歌凶惡如何

婦妹鷓鴣破斧冲人危殆賴且忠德轉禍為福傾危復立否之

豐 杜飛門啓憂患大解不為身禍

旅 石門晨開荷蕢疾貧遁世隱居竟不逢時

巽 兔聚東廊眾犬俱獵圍缺不成无所能獲

允 三羊群走雉兔驚駭非所畏懼自令勞苦

渙 羽翮病傷无以為強宋公德薄敗於水泓

節 姬姜雅叔三人偶食論仁義福以安王室

中孚精誠所在神為人輔德教之中彌世長久三聖乃興多受

福祉

小過岐周海隅獨樂不憂可以避難全身保才

既濟孤獨特處莫依為輔心勞志苦

未濟顧望登臺意常欲逃賈辛醜惡妻不安夫

一 鼎之第五十

鼎 積德之至君政且温伊吕股肱國富民安

乾 項筐卷耳憂不得傷心思故人悲慕失母

坤 卻叔賈貸行祿多悔利无所得

屯 蹙狂跛衽辟坐不行弃損平人名字无中

蒙 文王四乳仁愛篤厚子畜十男无有天折

需 容民畜眾不離其居

訟 三推相逐蠅墜釜中灌沸淹殪與母長決

師 所望在外鼎令方來拭爵澡盥炊食待之不為季憂

比 陸居少泉高山无雲車行千里塗污爾輪亦為我患

小畜東家殺牛聞是腥臊神背不顧命衰絕周亳社災燒宋人

夷誅

履 長子入獄婦饋母哭霜降旬日嚮晦伏法
泰 温山松栢常茂不落鳳凰以庇得其歡樂
否 大屋之下朝多君子德施博育宋受其福
同人羅張目决圍合耦缺魚鳥生脱

大有羔裘豹祛高易我字君子維好

謙 大頭明目載受喜福三雀飛來與祿相得

豫 消鋒鑄刃縱牛牧馬甲兵解散夫婦相保同晉

隨 吉日舉釣田弋獵禽反行飲至以告喜功

蠱 商人行旅資无所有貪貝逐利留連玉帛馭轅内安公子

何咎

臨 火井暘谷揚芒生角犯歷天門闕見太微登上玉牀家易

共公

觀 秋隼冬翔數被嚴霜甲兵充庭萬物不生雞釜夜鳴民擾

大驚

噬嗑東行西步失其次舍乾侯野井昭君喪居

賁 腫脰病腹陷厠污辱命短時極孤子哀哭

剝 切膚近火虎絕我鬚小人橫暴君復何之

復 女室作毒為我心疾和不能治晉人赴告

无妄兵征大宛北出玉門與胡寇戰平城道西七月無糧身幾

不全

大畜九子十夫莫適與居貞心不壹自令老孤

頤 東行稻麥遂至家國樂土无災君父何憂

大過作室山根所以為安一夕崩巔破我饗食

坎 六人俱行各遺其囊黃鵠失珠无以為明
 離 伯蹇叔盲莫為守裝失我衣裘我是陰鄉
 咸 褒寵洒尤敗政傾家覆我宗國秦滅周室
 恒 該言譯語仇禍相得水入炭室消滅不息
 遯 彭名為妖暴龍作災盜羗衣裳聚跽荷兵青禽照夜三旦

夷亡

大壯朝露白日四馬過隙歲短期促時難再得
 晉 耳闕道衰所為不成求事匪得
 明夷申公患楚危不自安重耳出奔側喪其龜
 家人南上泰山困於此桑左砂右石牛馬无食
 睽 海隅遼右福祿所在柔嘉蒙禮九夷何咎
 蹇 陽春生長萬物茂壯垂枝布葉君子比德

解 低頭竊視有所畏避行伯不利酒酸魚敗眾若貪嗜
 損 左輔右弼金玉滿櫃常盈不亡富于敖倉師之婦妹
 益 坐朝乘軒據德宰民虞舜受命六合和親
 夬 東行西坐喪其犬馬南求驂騮失車林下
 姤 砥德礪材果當成周拜受大命封為齊侯
 萃 西逢王母慈我九子相對歡喜王孫萬戶家蒙福祉
 升 安坐玉床聽韶行觴飲福萬歲日受无疆
 困 登高望家役事未休王政靡盬不得逍遙
 井 擊鼓陷陔不得相踰章甫文德福厭禍消
 革 追亡逐北呼還幼叔至止而復得反其室
 震 老猾大偷東行盜教因於噬教幾不得去
 艮 禹召諸侯會稽南山執玉萬國天下康安始之臨

漸 忼怛忼怛如將不活黍稷之恩靈輒以存獲生保年蒙之

婦妹侯叔興起季子富有照臨楚國蠻荆是安

豐 白馬騶駁更生不休富我商人利得如丘

旅 灼火泉原釣魴山巔魚不可得炭不可燃革之

巽 避患東西反入禍門措糠不足憂動我心

兌 成王多寵商人惶恐生其禍心使君危殆

渙 虎飲欲食見蝟而伏禹通龍門避咎除患元醜以安

節 安民呼池玉杯大按泉如白蜜一色獲願

中孚雙鳧鴛鴦相隨君行南至饒澤食魚與梁君子與長澤一作洋

小過蔡侯朝楚留連江渚踰時歷月思其君后

既濟膠車駕東與雨相逢五糝解墮頓兀獨坐憂為身禍

未濟螟虫為賊害我稼穡盡禾單麥利无所得同人之節 豫之謙

震之第五十一

震 枯瓠不朽利以濟舟渡踰河海无有溺憂

乾 陷塗溺水火燒我履憂患重累

坤 旦生夕死名曰嬰鬼不可得視小畜之萃

屯 揚水潛鑿使君潔白衣素附珠遊戲臯沃得其所願心志

蒙 衆鳥所翔中有大恠九身无頭鳧驚鳧去不可以居

需 剛根枯株不生肌膚病在於心日以焦枯

訟 府藏之富玉以賑貸捕魚河海筍網多得損之睽坎

師 一莖九纏更相牽攀宿明俯仰不得東西請獻當報日中

比 被刑

比 羞老鮐背齒牙動搖近地遠天下入黃泉

小畜羊舌叔虎野心善怒黷貨无厭以滅其身
履謀疑八子更相欺給管叔善止不見邪期
泰伴跳不遠心與言反尼丘顧家茅草朱筆
否虺蜉載盆不能上山搖推跌跋頓傷其顏
同人朝露不久為恩惠少膏潤欲盡咎在枯槁
大有河伯之功九州攸同載祀六百光烈无窮
謙三人北行大見光明道逢淑女與我驥子

滿野

隨 江河淮海天之奧府眾利所聚可以富有好樂喜友
蠱 不虞之患禍生無門奄然暴卒病傷我心
臨 畫龍頭頸文章未成甘言美語說辭无名

觀 缺破不成胎卵不生不見兆形晉之益

噬嗑旁行不遠三里復反心多畏惡日中止舍

賁 四隕不安兵革為患掠我妻子家履飢寒

剝 喜來如雲嘉福盈門眾才君子舉家蒙懽睽之豐

復 載金販狗利弃我走藏匿淵底折悔為咎隨之革

无妄日中為市各抱所有交易賁賄函珠懷寶心悅歡喜

大畜月步日趨周遍次舍經歷致遠无有難處

頤 陽明失時陰凝為憂主君哀泣喪其元侯

大過年衰歲暮精魂遊去形容消枯喪子恩呼

坎 少无功績老困失福跛行徙倚不知所立

離 持心瞿目善數搖動自東徂西不安其處散渙府藏无有

利得

咸 賁貝贖狸不聽我辭繫於虎鬚牽不得來需之睽否之革同人

恒 老狼白獺長尾大胡前顛卻躡无有利得人之否隨之師

遯 背地相憎心志不同如火與金君猛臣慢虎行兔伏

大壯 夏臺姜里湯文阨處鬼侯歡醢岐人悅喜

晉 牙孽生齒螳螂啓戶幽人利貞鼓翼起舞

明夷 列女无夫閔思苦憂齊子无良使我心愁

家人 踐履危難脫阨去患入福喜門見悔大君

睽 折臂接手不能進酒祈祀閑曠神怒不喜

蹇 蟻封戶穴大雨將集鵲起數鳴牝雞嘆室相薨雄父未到

在道

解 胡俗戎狄太陰所積固冰沍寒君子不存

損 翁翁鞫鞫稍頽崩顛滅其令名身不得全

益 災虫為賊害我稼穡盡禾殫麥秋无所得

夬 三幸飛來自我逢時俱行先至多得大利

姤 龍馬上山焦无水泉喉焦唇乾渴不能言

萃 春生孳乳萬物繁熾君子所集禍災不至

升 王孫季子相與為友明允篤誠升擢薦舉同人之小過

困 六明並照政紀有統秦楚戰國民受其咎

井 蝦蟇充側佞人所惑女謁橫行正道壅塞

革 登崑崙入天門過糟丘宿玉泉問惠歡見欣君比之姤革之困

鼎 體重飛難未能越關不啻留垣上下墟塞心不遑安

艮 玄黃虺隤行者勞罷役夫憔悴踰時不歸乾之革師之臨

漸 孔德如玉出於幽谷飛上高木鼓其羽翼輝光照國同人之坎

歸妹 火雖熾在吾後寇雖衆出我右身安吉不危殆

豐 旃裘羶國文禮不飾跨馬控弦伐我都邑豫之

旅 被髮八十慕德獻服邊鄙不聳以安王國

巽 心得所好口常為笑公孫蛾眉雞鳴樂夜

允 馬能負乘見邑之野并獲稔稻喜悅无咎

渙 高飛視下貪叨所在腐臭為患害於躬身

節 東行西步失其次舍乾侯野井昭君喪居鼎之噬嗑

中孚 神鳥五彩鳳凰為主集於山谷使年歲育

小過 石門晨啓荷蕢疾貧遁世隱居竟不逢時革之旅

既濟 鬮齧齧貧鬼相責无有懼怡一日九結

未濟 白日揚光雷車避藏雲雨不行各止其鄉

艮之第五十二

艮 君孤獨處單弱无輔名曰困苦

乾 憂驚已除禍不為災安全以來

坤 穿匏挹水篝鋏燃火勞疲力竭飢渴為禍

屯 蹇牛折角不能載粟災害不避年歲无穀

蒙 邑將為虛居之憂危

需 根別殘樹花葉落去卒逢火焱隨風僵仆

訟 元后貪欲窮極民力執政乖互為夷所偏

師 北山有棗使叔壽考東領多粟宜行賈市陸梁雌雉所至

利害

比 高原峻山陸土少泉草木林麓嘉禾所炎

小畜 辰次降婁王駕巡時廣祐德惠國安无憂

履 鞣鞣鞣歲暮偏弊寵名損弃君衰於位

泰 放銜委轡奔亂不制法度无恒君失其位

艮

艮

十

否 獨坐西垣莫與言
笑秋風多哀使我心悲
同人脛急股攣不可出門
暮速歸旅必為身患
大有情偽難知使我偏頗
小人在位雖聖何咎
謙 黍稷醇醲敬奉山宗
神嗜飲食甘雨嘉降庶物
蕃庶時无

災咎

豫 公子王孫把彈攝丸
發輒有獲室家饒足
隨 陰升陽伏舜失其室
慈母赤子相餒不食
蠱 七竅龍身造易八元
法則天地順時施恩利
以長存
臨 逐狐東山水過我前
深不可涉失利後便
始之巽漸之
共蒙之蠱
觀 銜命辱使不堪其事
中墜落去更為負載
噬嗑温仁君子忠孝所在
入閨為儀禍災不處
賁 春多膏澤夏潤優渥
稼穡成熟畝獲百斛師
行失律霸功

不遂

剝 二女共室心不聊食
首髮如蓬憂常在中
復 築關石顛立本泉源
疾病不安老狐為隣
无妄欲避凶門反與禍隣
顛覆不制痛薰我心
大畜蹶行竊視有所畏
避狸首伏藏以夜為利
頤 八面九口長舌為斧
劈破珊瑚璉殷商絕後
大過和氣相薄膏澤津液
生我嘉穀
坎 消金猷兵雷車不行
民安其鄉
離 秦儀機言解其國患
一說燕下齊襄以權
咸 旦奭王輔周德孔明
越裳獻雉萬國咸康
恒 弱足則跟不利出門
賈市无盈折亡為患
遯 堅冰黃鳥帝哀悲愁
不見白粒但覩藜蒿數
驚鷺鳥為我

心憂乾之噬嗑
益之大過

大壯竟微愒愒屬續聽絕曠然大通復更生活

晉 陰生孽鹿鼠舞鬼谷靈龜陸處

明夷諸石攻玉无不穿鑿龍體吾舉魯班為輔麟鳳成形德象

君子

家人山作天時陸為海口民不安處

睽 東風啓戶隱伏懽喜萌庶蒙恩復得我子

蹇 華燈百杖稍暗衰微精光欲盡奄如灰靡

解 三十无室寄宿桑中上宮長女不得來同使我失期

損 卯與石闕糜碎無疑動而有悔出不得時

益 秦兵爭強失其貞良敗於殺鄉

夬 虐除善猛難為攻醫驥窮鹽車困於街箠

姤 操笥搏狸荷弓射魚非其器用自令心勞

萃 葵丘之盟晉獻會行見太宰辭復為還輿

升 臚詐麗子夷竈盡毀兵伏卒發矢至如雨魏師驚亂將獲

為虜涓死樹下

困 南行出城世得天福王姬歸齊賴其所欲

井 冬采微蘭地凍堅難利走室北暮无所得堅難一作水堅

革 王喬无病狗頭不痛亡屐失履乏我送從

鼎 宛馬疾步盲師坐御目不見路中宵弗到

震 求利難國亡去我北憂歸其城反為吾賊

漸 比目四翼安我邦國上下无患為吾幸福

歸妹八材既登以成股肱履降庭堅國无災凶

豐 稍弊穿空家莫為宗奴婢逃走子西父東為身作凶

旅 鳥舞國城邑懼卒驚仁德不脩為下所傾

巽 五穀不熟民苦困急亟之南國嘉樂有得

允 黃裳建元福德在身祿祐洋溢封為齊君賈市无門富寶

多殮

渙 齊東郭廬嫁於洛都驪婦美好利得過倍

節 安床厚褥不得久宿弃我嘉宴困於南國投杼之憂不成

禍災

中孚内崩身傷中亂无常雖有美粟不我食得

小過出門逢患與禍為怨更相擊刺傷我指端

既濟出入節時南北无憂行者函至在外歸來

未濟公孫駕驪載遊東齊延陵說產遺季紵衣

焦氏易林卷第十三

焦氏易林卷第十四

漸之第五十三

漸 別離分散長子從軍稚叔就賊寡老獨居莫為種瓜

乾 且種菽荳暮成藿羹心之所願志快意愜

坤 杜飛門啓憂患大解不為身禍

屯 東山西山各自止安雖相登望竟未同堂始之坤艮

蒙 眾鳥所翔中有大恠九身无頭竟驚鬼去不可以居震之蒙

需 交侵如亂民无聊賴追我濟西敵人破陣

訟 麟鳳所翔國无咎殃賈市十倍復歸惠鄉

師 鑿井求玉非卞氏室身困名辱勞无所得

比 文山鴻豹肥膾多脂玉孫獲願載福巍巍

小畜周成之隆刑錯除凶太宰費石君子作人

漸

易林十一

士礼居藏

履 珪璧琮璜執贄見王百里甯戚應聘齊秦需之井 否之訟

泰 穿空漏徹破壞我缺陶弗能治瓦甃不鑿

否 鴻飛循陸公出不復伯氏客宿損之 蹇

同人 蝦蟇群聚從天請雨雲雷運集應時輒下得其所願大過 之升

大有 老弱无子不能自理為民所憂終不離咎管子治國侯伯

賓服乘輿八百尊我桓德

謙 蟠梅折枝與母別離絕不相知

豫 盛中不絕衰者復掇盈滿減虧瘵瘵脂肥鄭昭失國重耳

興立 一云盛去必衰羸去却 肥鄭昭失國重耳得時

隨 聞虎入邑必欲逃匿無據易德不見霍叔終无憂慝

蠱 隨時逐便不失利門多獲得福富於封君

臨 禹作神鼎伯益銜指斧斤既折撞立獨倚賣萬不售枯槁

為禍

觀 春鴻飛東以馬賀金利得十倍重載歸鄉

噬嗑 金齒鍊牙壽考宜家年歲有儲貪利者得雖憂无咎

賁 膏澤沐浴洗去污辱振除災咎更與福處浴一 作德

剝 履堦登墀高升峻巍福祿洋溢依天之威

復 坤厚地德庶物蕃息平康正直以綏大福

无妄 絕域異路多所畏惡使我驚惧思吾故處

大畜 襁褓孩幼冠帶成家出門如賓父母何憂遯之 恒

頤 一尋百節綢繆相結其指詰屈不能解脫

大過 鷹鷂獵食雉兔困極逃頭見尾為害所賊

坎 危坐至暮請求不得膏澤不降政戾民惑

離 剛柔相呼二姓為家霜降既同惠我以仁

咸 慈母念子饗賜得士蠻夷來服以安王國
恒 良夫孔姬習悝登臺樂季不扶衛輒走逃
遯 子長忠直李氏為賊禍及无嗣司馬失福
大壯節度之德不涉亂國雖昧无光後大受慶
晉 驅羊南行與禍相逢狼驚我馬虎盜我子悲恨自咎
明夷尼父孔丘善釣鯉魚羅網一舉得獲萬頭富我家居
家人大根不固華葉落去更為孤嫗
睽 設罟捕魚反得居諸員困竭忠伍氏夷誅
蹇 敏捷極疾如猿集木彤弓雖調終不能獲
解 冠帶南遊與福相期邀於嘉國拜為逢時
損 年豐歲熟政仁民樂祿人獲福
益 築闕石巔立基泉源疾病不安老孤无隣

夬 逐狐東山水過我前深不可涉失利後便蒙之盪始之

姤 麟子鳳雛生長嘉國和氣所居康樂温仁邦多聖人巽良之臨

萃 西行求玉冀得瑜璞反得凶惡使我驚惑

升 心狂老悖聽視聾盲正命无常下民多孽

困 南國少子才畧美好求我長女賤薄不與反得醜惡後乃

大悔噬嗑

井 透迤高原家伯妄施亂其五官

革 謝恩拜德東歸吾國歡樂有福

鼎 雞鳴同舉思配无家執佩持鳧無所致之

震 凶重憂累身受誅罪神不能解

艮 虎豹熊羆遊戲山谷仁賢君子得其所欲謙之中孚

歸妹海隅遼右福祿所至柔嘉蒙祉九夷何咎

豐 華首之山仙道所遊利以居止長无咎憂謙之

旅 甲乙戊庚隨時轉行不失常節萌芽律屈咸達生出各樂

其類 婦妹之 同人

巽 跛躓未起失利後市不得鹿子

允 怙恃自負不去於下血從地出誅罰失理

渙 江河淮海天之都市商人受福國家饒有

節 節情省慾賦歛有度家給人足利以富貴

中孚 牝馬鳴咷呼求其潦雲雨大會流成河海

小過 日月之塗所行必到无有患故

既濟 乘風而舉與飛鳥俱一舉千里見吾愛母明夷之鼎

未濟 陰配陽爭卧木反立君子攸行喪其官職

婦妹之第五十四

婦妹 堅冰黃裳鳥哀悲愁不見白粒但覩藜蒿數鷓鴣為我

心憂

乾 荆木冬生司寇緩刑威權在下國亂且傾

坤 喘牛傷暑弗能成畝草萊不闢年歲无有

屯 魚欲負流衆不同心至德安樂

蒙 春耕有息秋入利福獻豸大豸以樂成功

需 生有聖德上配太極皇靈建中授我以福家人之需

訟 右撫琴頭左手援帶凶訟不已相與爭戾失利而婦

師 炙魚枯斗張同夜鼠舌不忍味機發為崇竿不得去

比 申酉說服牛馬休息君子以安勞者得權

小畜 堯門尹爵聖德增益使民不疲安无怵惕

履 孤公寡婦獨宿悲苦目張耳鳴莫與笑語訟之婦妹

婦妹

泰 外得好畜相與嫁娶仁賢集聚諮詢厥事傾奪我城使家
不寧

否 煎砂盛暑鮮有不朽去河三里敗我利市老牛盲馬去之
何悔

同人 甲乙戊庚隨時轉行不失常節萌芽律屈咸達出生各樂
其類 漸之

大有 依宵夜遊與君相遭除解煩惑使心不憂
謙 死友絕朋巧言為讒覆白污玉顏叔哀喑

豫 逐利三年利走如神輾轉東西如鳥避丸
隨 隄防壞決河水放逸傷害稼穡居孤獨宿沒溺我邑

蠱 陰陽隔塞許嫁不荅旄丘新臺悔往嘆息 晉之
臨 伯夷叔齊貞廉之師以德防患憂禍不存 泰之乾革之
否比之剝

觀 陽為狂悖拔劍自傷為身生殃 明夷
噬嗑 進士為官不若服田獲壽保年 之井

賁 耕石不生弃禮无名縫衣失針襦袴弗成
剝 靈龜陸處一旦失所伊子復耕桀亂无輔

復 室當源口溺漂為海財產殫盡衣食无有
无妄 雞方啄粟為狐所逐走不得食惶懼喘息

大畜 家在海隅繞旋深流豈敢憚行无木以趨
頤 他山之儲與環為仇來攻吾城傷我肌膚國家騷憂 明夷

大過 弊鏡无光不見文章少女不嫁弃於其公
坎 大蛇巨魚相搏于郊君臣隔塞戴公出廬

離 絕世无嗣福祿不存精神渙散離其躬身
咸 文君之德養仁致福年无胎夭國富民實憂者之望憎參

盜息

恒 合歡之國喜為我福東岳南山朝躋成息

遯 憂人之患履悖易顏為身禍殘率身自守與喜相抱長子

春 成老封受福祉

大壯 太公避紂七十隱處卒受聖文為王室輔

明夷之坤

晉 江漢上流政逆民憂陰伐其陽雌為雄公

明夷 縮緒亂絲舉手為災越畝逐兔喪其衣袴

家人 臭羸腐水與狼相輔亡夫失子憂及父母

睽 剗羊不當女執空筐兔跛鹿躋緣山墜墮讒佞亂作

蹇 拔劍傷手見敵不善良臣無佐國憂為咎

解 三殺五牂相隨俱行迷入空澤循谷直北經涉六駮為所

傷敗

損 爭鷄失羊亡其金囊利得不長陳蔡之患賴楚以安

恒之夬

益 三驪負衡南芷取香秋蘭芬馥盈滿神匱利我仲季

夬 孟夏已丑哀呼尼父明德訖終亂虐滋起

姤 履不容足南山多草家有芳蘭乃无病疾

萃 三足无頭弗知所之心強睛傷莫使為明不見月光

升 戴堯扶禹松喬彭祖西過王母道里夷易无敢難者

師之離

困 式微式微憂禍相絆隔以巖山室家分散

井 靈龜陸處一旦失所伊子復耕桀亂无輔

革 仁德覆洽恩及異域澤被殊方禍災隱伏蚕不作室寒无

所得

鼎 夏麥薶燼霜擊其芒疾君敗國使年天傷

震 火雖熾在吾後寇雖多出我右身安吉不危殆

震之歸妹大有之需

艮 遼遠絕路客宿多悔頑囂相聚生我畏惡明夷之小畜

漸 懸懸南海去家萬里飛兔裹駿一日見母除我憂悔

豐 困而後通雖危不窮終得其願姬姜相從

旅 西賈巴蜀寒雪至轂欲前不得還反空屋

巽 作新初陵爛陷難登三駒摧車躓頓傷頤

兌 延頸望酒不入我口深目自苦利得无有幽人悅喜

渙 仲春孟夏和氣所舍生我喜福國无殘賊

節 張羅捕鳩兔離其災雌雄俱得為置所賊離當作濯

中孚三人俱行一人言北伯仲欲南少叔不得中路分爭道闕相賊

小過然諾不行欺給誤人使我露宿夜歸温室神怒不直鬼欲求獨刺擊其目反言自賊恒之觀

既濟陳辭達誠使安不傾增祿益壽以成功名明夷之晉

未濟火燒公床破家滅亡然得安昌先憂重喪

豐之第五十五

豐 諸孺行賈經涉大阻與杖為市不憂危殆利得十倍

乾 鼎足承德嘉謀生福為王開庭得心所欲晉之大壯

坤 曳綸河海釣魴與鯉王孫利得以饗仲友

屯 東山臯落叛逆不服興師征討恭子敗覆

蒙 千里駢駒為王服車嘉其麗榮君子有成

需 三龍北行道逢六狼暮宿中澤為禍所傷

訟 天災所遊凶不可居轉徙獲福留止危憂益之解睽之大

師 狐狸雉兔畏人逃去分走竄匿不如所處益之大有

比 兩師娶婦黃巖季女成禮既婚相呼南去膏潤下土年歲

大有 損之益井之坤恒之晉本卦之大過

小畜外棲野鼠與雞為伍瘡痍不息即去其室

履 天命絕後孤傷无主彷徨兩社獨不得酒

泰 鵠思其雄欲隨鳳東順理羽翼出次須日中留北邑復反

其室 明夷之益需之離益之觀

否 蛟虵九子長尾不殆均明光澤燕自受福

同人 日走月步趨不同舍夫妻反目君主失國 小畜之同人豫之睽

大有 宣房戶室枯期除毒文德淵府害不能賊

謙 齊東郭廬嫁于洛都駿良美好謀利過倍

豫 病篤難醫和不能治命終期訖下即蒿里 臨之益

隨 開郭緒業王迹所起姬德七百報以八子

蠱 豐年多儲江海饒魚商客善賈大國富有

臨 鵠求魚食過彼射邑繒加我頭繳挂羽翼欲飛不能為羿所得

觀 望城抱子見邑不殆公孫上堂大君悅喜

噬嗑 左指右麾邪淫侈靡執節无良靈公以亡

賁 日中為市各持所有交易資賄函珠懷寶 泰之升

剝 山没丘浮陸為水魚燕雀无廬

復 馬服長股宜行善市蒙祐諧偶獲利五倍 終日在市諧朝獲利既享嘉福

以得之義

无妄 三狸捕鼠遮過前後死於環域不得脫走 離之避

大畜 鬼舞國社歲樂民喜臣忠於君子孝於父

頤 慈母望子遥思不已久客外野我心悲苦

大過 雨師娶婦黃巖季子成禮既婚相呼南去膏潤下土年歲

大有 損之益恒之晉井之坤本卦之比

坎 百狗同室相噬爭食枉矢西流射我暴國高宗鬼方三年乃服

離 早霜晚雪傷害禾麥損功弃力飢无可食 離之

咸 腐臭所在青繩集聚變白為黑敗亂邦國君為臣逐失其寵祿

恒 牽羊不與與心戾旋聞言不信誤給丈人 一云言語不富誤紹丈人

遯 甘忍利害還相克敵商子酷刑鞅喪厥身

大壯 剝羊不當女執空筐鬼跛鹿蹄緣山墜墮 隨之

晉 齟齬齧齧貧鬼相責无有歡怡一日九結 震之既濟

明夷 兩足四翼飛入嘉國寧我伯姊與母相得 賁之同人

家人 天山紫芝雍梁朱草長生和氣王以為寶公尸侑食福祿

來處

睽 絕世遊竟福祿不存精神渙散離其躬身

蹇 北辰紫宮衣冠立中含弘建德常受大福

解 伯蹇叔瘖莫與守株失我衣裘代爾陰鄉 鼎之

損 兩女共室心不聊食首髮如蓬憂常在中 艮之

益 去辛就蓼毒愈甚甚避窵遇坑憂患日生

夬 初病終凶季為死喪不見光明 同人之大

姤 三鳥飛來自到逢時俱行先至多得大利 有震之夬

萃 鹿食山草不思邑里雖久无咎

升 羊腸九縈相推稍前止須王孫乃能上天 損之屯履之師

困 管仲遇桓得其願歡膠牢振冠冠帶无憂笑戲不莊空言妄行 明夷之旅

井 桀跖並處民困愁苦行旅遲遲留連齊魯復之離

革 覓孤无室銜指不食盜張民餌見敵失福

鼎 讒言亂國覆是為非伯奇幸難恭子憂哀巽之觀

震 衛侯東遊惑於少姬亡我考妣久迷不來乾之升旅之師

艮 雞鳴同興思邪无家執佩持鳧莫使致之漸之鼎

漸 義不勝情以欲自榮覬利危寵摧角折頸坤之豐復之坤小過之升

歸妹 臣尊主卑擁力日衰侵奪无光三家逐公巽之升

旅 叔仲善賈與喜為市不憂危殆利得十倍

巽 六蛇奔走俱入茂草驚於長路畏懼啄口井之兌中孚之家人

兌 水壞我里東流為海鳧毒謹囂不得安居旅之歸妹

渙 飛不遠去卑斯內侍祿養未富渙之大畜

節 陰變為陽女化為男治道大通君臣相承屯之離未濟之夬渙之旅

中孚 踐履危難脫厄去患入福喜門見誨大君震之家人兌之乾

小過 罟密網縮動益蹶急困不得息

既濟 負牛上山力劣行難烈風雨雪遮遏我前中道復還同人无

妄訟之剝旅之睽

未濟 喁喁嘉草思降甘雨景風升上沾洽時澍生我禾稼

旅之第五十六

旅 羅網四張鳥无所翔征伐困極飢窮不食革之泰兌之小過

乾 寄生无根如過浮雲立本不固斯須落去更為枯樹小畜之蠱

坤 人无定法綬降牛出蛇雄走趨陽不制陰宜其家國

屯 眾鳥所聚中有大怪九身无頭竟驚鳧去不可以居漸之蒙

蒙 封豕溝瀆灌潰國邑火宿口中民多疾病

需 奮翅鼓翼翱翔外國逍遥徙倚來歸温室損之觀

訟 秋蚕不成冬種不生殷王逆理弃其寵榮

師 衛侯東遊惑於少姬忘我考妣久迷不來乾之升 豐之震

比 烏合卒會與惡相得鴟鴞相酬為心所賊

小畜 鳴雞无距與鵠格鬪翅折目盲為仇所傷

履 木生内蠹上下相賊禍亂我國

泰 延陵適魯觀樂太史車麟白顛知秦興起卒兼其國一統

為主 坎之剥大 畜之離

否 輔相之好无有休息時行雲集所在遇福

同人 牀傾簣折屋漏垣缺季姬不愜

大有 東入海口循流北走一高一下五色無主七日六夜死於

水浦 睽之 蹇

謙 羣虎入邑求索肉食大人禦守君不失國

豫 四亂不安東西為患退身止足无出邦域乃得完全賴其

生福 大有 之睽

隨 叔昞抱冤祁子自邑乘遽解患羊舌以免賴其福全蹇之 乾

蠱 延頸望酒不入我口深目自苦利得无有訟之 益 履之 萃

臨 仁政之德恭恭日息成都就邑人受厥福巽之 屯

觀 牽頭繫尾屈折幾死周世无人不知所歸升之 大畜

噬嗑 教羊逐兔使魚相捕任非其人費日无功需之 噬嗑

賁 生角有尾張孽制家排羊逐狐張氏易公憂禍重凶

剝 去安就危墜陷井池破我玉瑀

復 茹芝餌黃塗飲玉英與神流通長无憂凶既濟 之蹇

无妄 體重飛難未能越關震之 鼎

大畜 巢成樹折傷我彝器伯踔叔跌亡羊乃追

頤 六人俱行各遺其囊黃鵠失珠无以為明貴之噬嗑

大過 蟠梅折枝與母分離絕不相知大有之坤

坎 迎福開戶喜隨我後曹伯愷悌為宋國主

離 既痴且狂兩目又盲箕踞喑啞名為无中

咸 金梁鍊柱千年牢固完全不腐聖人安處

恒 裹糗荷糧與跖相逢欲飛不得為網所獲

遯 彭名為妖暴龍作災盜堯衣裳聚跖荷兵青禽照夜三旦

夷亡鼎之遯比之蒙

大壯 獨夫老婦不能生子鰥寡俱處

晉 鷦鷯竊脂巢於小枝搖動不安為風所吹心寒飄搖常憂

危殆

明夷 素車木馬不任負重王子出征憂危為咎

家人 土陷四維安平不危利以居止保有玉女

睽 負牛上山力劣行難烈風雨雪遮過我前中道復還訟之剝

蹇 金城鍊郭上下同力政平民親寇不敢賊

解 清潔淵塞為人所言證訊詰問繫於枳溫甘棠聽斷昭然

蒙恩師之蠱

損 臯陶聽理岐伯悅喜西登華道東歸无咎

益 低頭竊視有所畏避行作未利酒酸魚敗重莫貪嗜鼎之解

夬 十雉百雉常與母俱抱雞搏虎誰肯為侶

姤 高阜山陵陂陀顛崩為國妖祥元后以薨

萃 六鷁退飛為衰敗祥陳師合戰左股疾傷遂以薨崩霸功

不成蹇之蠱

升 異國殊俗情不相得金木為仇百戰檀穀家人之未濟

困 鴉噪庭中以戒災凶重門擊柝備憂暴客

井 慈母赤子享賜得士獲夷服除以安王家側陋逢時

革 剗迹惡人使德不通炎旱為災年穀大傷坤之大有

鼎 躬履孔德以待束帶文君燎獵呂尚獲福號稱太師封建

齊國

震 征將止惡鼓鞞除賊慶仲奔莒子般獲福

艮 良夫淑女配合相保多孫眾子懽樂長久

漸 蛟蛇四壯思念父母王事靡盬不我安處渙之復

歸妹 水壞我里東流為海鳧龜謹置不得安居豐之兌

豐 東帛芟芟賻我孟宣徵召送君變號易字

巽 乾行大德覆贍六合嘔啾成熟使我福德

兌 秦晉大國更相克賊獲惠質圍鄭被其咎

渙 晦昧昏明君无紀綱甲子成亂簡公喪亡

節 三足无頭弗知所之心狂精傷莫使為明不見月光小畜之復

中孚 長夜短日陰為陽賊萬物空枯藏在北陸夬之明夷謙之漸

小過 依宵夜遊與大君俱除解煩惑使我无憂无或作先婦妹之大有

既濟 逐鹿南山利入我門陰陽和調國无災殘長子出遊須其

仁君

未濟 請冀左耳音不我驅與我父母

焦氏易林卷第十四

履 霧露早霜日暗不明陰陽孽疾年穀大傷

泰 三諧土廊德義明堂交讓往來享燕相承箕伯朝王錫我

玄黃

否 爭雞失羊利得不長陳蔡之患賴楚以安

同人 天旱水涸枯槁无澤未有所獲

大有 陶朱白圭善賈息貲公子王孫富利不貧

謙 龜厭江海陸行不止自令枯槁失其都市憂悔為咎

豫 黃鳥採蓄既稼不荅念吾父兄思復邦國

隨 田鼠野雉意常欲逃拘制籠檻不得動搖既濟之噬嗑夫之謙需之隨

蠱 平國不君夏氏作亂烏號竊發靈公殞命臨之

臨 巨虵大鱗戰於國郊上下閉塞君道走逃剝之

觀 讒言亂國覆是為非伯奇流離恭子憂哀鼎之

噬嗑 鬱快不明為陰所傷眾霧集聚共奪日光

賁 望城抱子見邑不殆公孫上堂大君歡喜

剝 三虫作蠱剝迹无與勝毋盜泉君子弗處始之觀觀之困

復 車馳人趨卷甲相求齊魯寇戎敗於犬丘復之小畜坤之兌

无妄 欲訪子車善相欺給桓叔相迎不見所期

大畜 爭雞失羊亡其金囊利得不長陳蔡之患賴楚以安歸妹之損

頤 歲暮花落陽入陰室萬物伏藏匿不可得

大過 晨風文翻大舉就温過我成邑昇无所得大壯之震小畜之革大過之豫

坎 時鵠抱子見蛇何咎室家俱在不失其所

離 隱隱大雷霧霈為雨有女癡狂驚駭隣里

咸 无足斷跟居處不安凶惡為患革之蹇

恒 破筐敝筥弃捐於道不復為寶

遯 三雞啄粟十雛從食飢鳶卒擊亡其兩叔十一作八中孚之順

大壯乘車七百以明文德踐土葵仁齊晉受福允之

晉 百足俱行相輔為強三聖翼事王室寵光屯之履晉之坤

明夷典策法書藏閣蘭臺雖遭潰亂獨不逢災坤之大畜大有

家人四誅不服恃強負力倍道趨敵師徒敗覆益之同人

睽 春陽生草夏長條肆萬物蕃滋充實益有需之屯

蹇 礪礪禿白不生黍稷无以供祭祇靈乏祀

解 褰衣涉河水深漬罷賴幸舟子濟脫无他坤之萃

損 宜行賈市所求必倍戴喜抱子與利為友未濟之益

益 凡征東夷弟伐遼西大克勝還封君河間大過之恒

夬 初雖驚惶後乃无傷受其福慶

姤 隨風乘龍與利相逢田獲三倍商旅有功憧憧之邑長安

无他

萃 魚擾水濁寇圍吾邑城危不安驚恐狂惑

升 雖窮復通履危不凶保其明公

困 坤厚地德庶物蕃息平康正直以綏大福泰之解賁之履

井 山水暴怒壞梁折柱稽難行旅留連愁苦咸之豫

革 使燕築室身不庇宿家无聊賴殲我衣服

鼎 矢石所射襄公痢劇吳子巢門傷病不治

震 日月運行一寒一暑榮寵赫赫不可得保顛隕墜墮更為

士伍中孚之晉

艮 宮門愁鳴臣圍其君不得東西

漸 戴盆望天不見星辰顧小失大福逃墻外賁之蒙小

歸妹天之所明禍不遇家反自相逐終得和鳴

豐 天陰霖雨塗行泥潦商人休止市无所有革之睽升之隨夫之大過

旅 嘉門福喜增累盛熾日就有德宜民宜國

允 南山之陽華葉將將嘉樂君子為國寵光革之大

渙 畫龍頭頸文章未成甘言美語說辭无名升之蒙蒙之噬

節 嬰兒孩子未有所識彼童而角亂我政事

中孚陰作大奸欲君勿言鴻鵠利口發患禍端荆季懷憂張伯

被患 小過德之流行利之四鄉雨師洒道風伯逐殃巡狩封禪以告

成功萃之比益之復

既濟禹將為君裝入崑崙稍進陽光登見温湯功德昭明

未濟五岳四瀆含潤為德行不失理民賴恩福恒之井順之明夷離之豫

允之第五十八

允 班馬還師以息勞疲後夫嘉喜入戶見妻觀之既濟賁之蠱剝之噬嗑

乾 踐履危難脫危去患入福喜門見悔大君震之家人豐之中孚

坤 子鉏執麟春秋作元陰聖將終尼父悲心訟之同人豫之大有革之震

屯 夾河為婚期至无船搖心失望不見所歡屯之小畜

蒙 天孫帝子與日月處光榮於世福祿繁祉解之

需 三年人妻相隨奔馳終日不食精氣勞疲乾之大畜坎之家人

訟 禹召諸侯會稽南山執玉萬國天下康寧始之臨鼎之艮損之旅

師 早霜晚雪傷害禾麥損功弃力飢无所食比之遯豐之離需之咸

比 嵩融持戟杜伯荷弩降觀下國誅逐无道夏商之季失執

外走

小畜生有聖德上配大極皇靈建中受我以福家人之需

履 下田陸黍萬華生齒大雨霖集波病潰腐

允

易林十五

四

泰 子畏於匡困厄陳蔡明德不危竟克免害過之坎大
否 有兩赤頭從五岳來謠言无祐趨爾之林俯伏聽命不敢

動搖

同人當得自如不逢凶災衰者復興終无禍來

大有朽根則樹華葉落去卒逢大焱隨風僵仆屯之坎噬嗑之否艮之需夬之

恒

謙 葛生行蔓締絡為願家道篤厚父兄悅喜

豫 東行求玉反得弊石名曰无直字曰醜惡眾所賤薄家人之否

隨 瞻白因弦驚孱恐怯任力墮劣如蝟見鵲偃視恐伏不敢

拒格

蠱 瘡痍多病宋公危殆吳子巢門无命失所

臨 東山西岳會合俱食百喜送從以成恩福

觀 舞非其處失節多悔不合我意

噬嗑南循汝水茂樹斬枝過時不遇怒如周飢

賁 公孫駕驪載遊東齊延陵說產遺我紵衣艮之未濟

剝 乘輿八百以明文德踐土葵丘齊晉受福巽之大壯

復 雄處弱水雌在海邊別離將食哀悲於心

无妄結網得解受福安坐終无患禍

大畜秋南春北隨時休息處和履中安无憂凶

頤 啓户開門巡狩釋寃夏臺姜里湯文悅喜

大過符左契右相與合齒乾坤利貞乳生六子長大成就風言

如母

坎 飢蚕作室絲多亂緒端不可得

離 東壁飾光數暗不明主母嫉妬亂我業事革之謙大壯之恒謙之屯

咸 白茅縮酒靈巫拜禱神嗜飲食使君壽考

恒 范公陶夷巧賈貨資東之營上易字子皮抱珠載金多得

利婦

遯 三殺五祥相隨俱行迷入空澤循谷宜北經涉六駁為所

傷賊

大壯 雄鵠延頸欲飛入關雨師洒道灑我袍裘重車難前侍者

稽止

晉 中年蒙慶今歲受福必有所得榮寵受祿

明夷 祿如周公建國洛東父子俱封

革之明夷

家人 安床厚褥不得久宿弃我嘉讌困於東國投杼之憂不成

災福 家人之睽
艮之節

睽 蓄積有餘糞土不居

蹇 心願所喜乃今逢時得我利福不離兵革

既濟之復

解 目不可合憂來搔足怵惕危懼去其邦族

萃之睽

損 福德之士懽悅日喜夷吾相桓三婦為臣賞流子孫

益 夏姬附耳心聽悅喜利以傳取

夬 叔迎兄弟遇恭在陽君子季姬並坐鼓簧

咸之震

姤 徙巢去家南遇白鳥東西受福與喜相得

萃 舜登大禹石夷之野徵請玉闕拜治水土

乾之中孚
師之小畜

升 江河淮海天之都市商人受福國家富有

困 隱隱填填火燒山根不潤我隣獨不蒙恩

賁之蹇

井 闇昧不明耳聾不聰陷入深淵滅頂憂凶

巽之小畜

革 鳥鳴喑喑天火將下燔我館舍災及妃后

中孚

鼎 十雉百雛常與母俱抱雞搏虎誰敢難者

震 營城洛邑周公所作世建三十年歷七百福祐盟執堅固

不落井之

艮 三人俱行別離將食一身五心反復迷惑

漸 三虎搏狼力不相當如鷹格雉一發破亡

歸妹 養虎畜狼還自賊傷年歲息長疾君拜禱雖危不凶

豐 後時失利不得所欲

旅 雉兔之東以理為傷見鷹驚走死於谷口

巽 秋蛇向穴不失其節夫人姜氏自齊復入

渙 鳥鳴巢端一呼三顛搖動東西危鬼不安

節 命天不遂死多鬼崇妻子啼瘖早失其雄

中孚 茆屋結席崇我文德三辰旂旗家受行福

小過 羅網四張鳥无所翔征伐困極飢窮不食

既濟 天成地安積石為山潤洽萬里人賴其歡
未濟 銅人鍊柱暴露勞苦終日卒歲无有休止

渙之第五十九

渙 望幸不到文章未就王子逐兔犬蹄不得未濟之允謙之既濟

乾 焱風阻越車馳揭棄古追思失其和節心憂惛惛需之小過

坤 蛇得澤草不憂危殆

屯 兩犬爭鬪股瘡无處不成仇讐行解邪去

蒙 因禍受福喜盈其室求事皆得

需 江多寶珠海多大魚疾行亟至可以得財節之中孚

訟 二牛生狗以戌為母荆夷上侵姬伯出走坤之震否之姤需之訟責之復

師 安息康居異國穹廬非吾習俗使我心憂

比 行觸天罡馬死車傷身无聊賴困窮乞糧

渙

小畜裸裎逐狐為人觀笑牝雞司晨主作亂門大有之咸

履為季求婦家在東海水長无船不見所歡屯之蹇

泰男女合室二姓同食婚姻孔云宜我多孫

否太微帝室黃帝所直藩屏周衛不可得入常安常存終无

禍患

同人賚金觀市欲買騶子猾偷竊發盜我黃寶

大有三人俱行欲歸故鄉望邑入門拜見家懽

謙娶於姜呂駕迎新婦少齊在門夫子悅喜

豫伯仲旅行南求大祥長孟病足倩季負囊柳下之貞不失

驪黃

隨潔身白齒衰老復起多孫眾子宜利姑舅

蠱獨宿憎夜嫫母畏晝平王逐建荆子憂懼

臨追亡逐北呼還幼叔至止而得復歸其室未濟之大過需之渙

觀鳥飛无翼兔走折足雖欲會同未得暨功

噬嗑抱空握虛鳴教我賈利去不來離之家

賁山作天池陸地為海

剝為虎所嚙太山之陽眾多從者莫敢救藏

復逶迤四牡思婦念母王事靡盬不得安處旅之漸

无妄獼猴所言語无成全誤我白鳥使乾口來

大畜飛不遠去卑斯內侍祿養未富豐之渙

頤大尾細腰重不可搖陰權制國平子逐昭

大過旦生夕死名曰嬰鬼不可得視小畜之萃未濟之乾震之坤

坎子畏於匡困於陳蔡明德不危竟免厄害兌之泰大過之晉師之鼎

離畏昏潛處候時朗昭卒逢白日為世榮主

咸 白鳥銜餌嗚呼其子施翼張翅來從其母震晉之

恒 宮商角徵五音和起君臣父子弟順有序唐虞襲德國无

災咎

遯 季姬踟躕望孟城隅終日至暮不見齊侯謙之

大壯 鬼哭於社悲傷无後甲子昧爽殷人絕祀大過之坤

晉 天子所予福祿常在不憂危殆小畜之遯損之遯臨之復

明夷 比目附翼相恃為福姜氏季女與君合德節之隨

家人 翁翁鞫鞫稍崩墜顛滅其令名泰之謙否之離益之坎

睽 折若蔽目不見稚叔三足孤鳥遠去家室師之蒙

蹇 羊腸九縈相推稍前止須王孫乃能上天豐之升履之師蠱之剝損之屯

解 坤厚地德庶物蕃息平康正直以綏大福泰之解巽之困賁之履

損 有莘外野不逢堯主復居窮處心勞志苦

益 曾長景行來觀桑柘上伯日喜都叔允臧

夬 周師伐紂勝于牧野甲子平旦天下大喜謙之噬嗑節之升復卦

姤 踰江求橘并得大栗烹羊食炙飲酒歌笑

萃 敝笱在梁魴逸不禁漁父勞苦筐筥乾口空虛无有遯之大過

升 生有陰孽制家非陽遂送還牀張氏易公憂禍重凶

困 絕域異路多有恠惡使我驚懼思我故處

井 迷行失道不得牛馬百賈逃亡市空无有

革 雌鷺生雛祥異興起東雲龍騰民戴為父恒之小過

鼎 壘壘纍纍如岐之室畜一息十古公始邑

震 瘡瘍疥搔孝婦不省君多疣贅四牡作去剝之恒既濟之訟

艮 羊頭兔足羸瘦少肉漏囊敗粟利无所得

漸 薛篋從靡空无誰是言季子明樂減少解

婦妹妹為貌熟敗君正色作事不成自為心賊

豐 四馬共轅東上太山駢驪同力无有重難與君笑言剝之

旅 陰變為陽女化作男治道得通君臣相承豐之節未濟之夬屯之離

巽 南國少子材畧美好求我長女賤薄不與反得醜惡後乃

大悔比之漸泰之震漸之困

兌 昭公失常季女悖狂遜齊處野喪其寵光遯之

節 天山紫芝雍梁朱草長生和氣王以為寶公尸宥食福祿

來處同人之剝豐之家人

中孚牽羊不前與心戾旋聞言不信誤給大人

小過東山西山各自止安心雖相望竟未同堂始之坤漸之屯中孚之賁

既濟鹿求其子虎廬之里唐伯季耳貧不我許隨之否

未濟三虎上山更相喧喚志心不親如仇與怨始之小過

節之第六十

節 海為水王聰聖且明百流歸德无有叛逆常饒優足

乾 虎响怒咆慎戒外憂上下俱搔士民无聊

坤 探巢得雛仇鵠俱來使我心憂

屯 日望一食常恐不足祿命寡薄

蒙 良馬疾走千里一宿逃難它鄉誰能追復

需 鵲巢烏城上下不親内外乖畔子走矢頑

訟 雲龍集會征討西戎招邊定眾誰敢當鋒

師 春多膏澤夏潤優渥稼穡成熟畝獲百斛臨之明夷

比 童妾獨宿長女未室利无所得豫之益蠱之履觀之蒙

小畜四亂不安東西為患退止我足无出邦域乃得全完賴其

生福觀之小過大有之睽

節

易本十五

履 長寧履福安我百國嘉賓上堂與季同牀

泰 騏驎綠耳章明造父伯夙成季共成霸功為晉元輔

否 張陳嘉謀贊成漢都主歡民喜其樂休休張良陳平也

同人大面長頸未解君憂

大有畏昏不行待旦昭明燎獵受福老賴其慶夬之損

謙 伯去我東首髮如蓬長夜不寐憂繫心胃始之

豫 朽條腐索不堪施用安靜候時以待親知

隨 比目四翼相倚為福姜氏季氏與君合德渙之明夷

蠱 履階升墀高登崔嵬福祿洋溢依天之威

臨 奢淫愛嗇神所不福靈祗憑怒鬼障其室

觀 大步小車南到喜家送我豹裘與福載來中孚之泰未濟之坤

噬嗑東行西步失次後舍與彼作期不覺至夜乾侯野井昭君

失居

賁 喜樂抃躍來迎名家鵲巢百兩獲利養福

剝 非理後來誰肯相與往而不獲徒勞道路

復 北虜匈奴數侵邊境

无妄征不以禮辭乃无名縱獲臣子伯功不成

大畜景星照堂麟遊鳳翔仁施大行頌聲作興豫之節損之坤

頤 文明之世銷鋒鑄耜以道順民百王不易一作焚膏銷鋒鎮壓危凶招來

文德君安其國

大過鳥飛无羽雞鬪折距徒自長嗟誰肯為侶

坎 羣隊虎狼齧彼牛羊道路不通妨農害商

離 商伯沉醉庶兄奔走淫女蕩夫仁德並孤

咸 三狸搏鼠遮遏前後當此之時不能脫走

恒 陶叔孔圍不處亂國初雖未萌後受福慶

遯 奮翅鼓翼翱翔外國逍遙北域不入温室

大壯 德音孔博升在王室八極蒙祐受其福祿

晉 當變立權適解患難霍然冰釋大國以安

明夷 羽動角甘雨續草木茂年歲熟

家人 天所佑助福來禍去君王何憂

睽 方啄宣口聖智仁厚釋解倒懸唐國大安

蹇 葛藟蒙棘華不得實讒佞亂政使恩壅塞

解 皇母多恩字養孝孫脫於襁褓成就為君

損 積冰不温北陸苦寒露宿多風君子傷心

益 伯夷叔齊貞廉之師以德防患憂禍不存

夬 一雌二雄子不知公亂我族類使吾心憤

姤 主安多福天祿所伏居之寵昌君子有光

萃 千歲槐根利多斧癩樹維枯屈枝葉不出

升 周師伐紂勝殷牧野甲子平旦天下大喜

困 日走月步趨不同舍夫妻反目主君失居

井 宣髮龍叔為王主國安土成稷天下蒙福

革 諷德誦功周美盛隆惠旦輔成光濟冲人

鼎 三夜不寢憂來益甚戒以危懼弃其安居

震 恩願所之乃今逢時洗濯故憂拜其懼來

艮 嚶嚶囁囁夜行晝伏謀議我資來竊吾室

漸 駢牛亡子鳴於大野申復陰徵還婦其母說以除悔

歸妹 王良善御伯樂知馬周旋步趨行中規矩止息有節延命

壽考

豫

七

豐 釋然遠咎避患害早田獲三狐以貝為寶

旅 仁獸所處國无凶咎市賈十倍復歸惠里

巽 六目俱視各欲有志心意不同乖戾生訟

允 傳說王良駢御四龍周徑萬里无有危凶

渙 仲伯季叔日暮寢寐醉醒失明喪其貝囊卧拜道旁謙之

中孚 江有寶珠海多大魚亟行疾至所以得財渙之

小過 遠視千里不見所持離婁之明无益於耳

既濟 弱足則跟不利出門市賈无贏折亡為患乾之

未濟 利盡得媒時不我來鳴雌深涉寡宿獨居

焦氏易林卷第十五

焦氏易林卷第十六

中孚之第六十一

中孚 烏鳥譖譖天火將下燔我屋室災及妃后允之

乾 黃虹之野賢君所在管仲為相國无災咎

坤 符左契右梁叔有若相與合齒乾坤利貞乳生六子長大

成就拋吾如母

屯 蝗蠶我稻驅不可去實穗无有但見空藁豫之

蒙 嬰孩求乳母婦其子黃麀悅喜

需 折若蔽目不見稚叔失旅亡民遠去家室

訟 牂羊肥首君子不飽年飢孔荒士民危殆

師 靈龜陸處盤桓失所伊子退耕桀亂无輔歸妹之井

比 威約拘囚為人所誣臯陶平理幾得脫免

小畜烏升鵲舉照臨東海雁降庭堅為陶叔後封於英六福履

綏厚

謙之頤需之大畜觀之頤

履 四目相視稍近同軌日昃之後見吾伯姊

益之需

泰 大步上車南到喜家送我孤裘與福載來

節之觀未濟之坤

否 卒都和合未敢面見媒妁无良使我不香

同人鴻飛循陸公出不復伯氏客宿

剝之升

大有代戍失期患生无聊懼以發難為我開基邦國憂愁

謙 齊魯爭言戰於龍門構怨結禍三世不安

豫 周政養賤背生人足陸行不安國危為患

隨 蜩蟬歡翹草木嘉茂百果蕃生日益多有

謙之解

蠱 薄災暴虐風吹雲却欲上不得復歸其宅

臨 乘駟駕驪遊至東齊遭遇行旅逆我以資厚得利歸

觀 鳳生七子同巢共乳歡悅相保

噬嗑桃雀竊脂巢於小枝搖動不安為風所吹心寒漂搖常憂

殆危

損之渙

賁 東山西山各自止安雖相登望竟未同堂

姤之坤漸之屯渙之小過

剝 匍伏走出驚懼皇恐白虎生孫蓐收在後

復 重弋射隼不知所定質疑著龜明神祭報告以肥牡宜利

止居

无妄開門內福喜至我側嘉門善祥為吾室宅宮城洛邑以招

文德

大畜烏飛狐鳴國亂不寧下強上弱為陰所刑

頤 三雞啄粟八雛從食飢為卒擊死亡兩叔

大過歎息不悅憂從中出喪我金嬰无妄失位

坎 剛柔相呼三姓為家霜降既同惠我以仁家人之損

離 送我季女至於蕩道齊子旦夕留連久處漸之離

咸 低頭竊視有所遇避行作不利酒酸魚餒眾莫貪嗜鼎之解

恒 典策法書藏閣蘭臺雖遭亂潰獨不過災巽之明夷坤之大畜大有之恒

遯 旦醉病酒暮多瘳愈不反為咎

大壯 畫龍頭頸文章未成甘言美語說辭無名升之蒙蒙之噬嗑家人之賁

晉 日月運行一寒一暑榮寵赫赫不可得保顛躓殞墜更為

士伍巽之震

明夷 爭利王市朝多君子蘇氏六國獲其榮寵

家人 六蛇奔走俱入茂草驚於長塗畏懼啄口井之允豐之巽

睽 懸貮素餐食非其任失輦剝廬休坐徙居頤之益

蹇 歡欣九子俱見大喜携提福善王孫是富

解 伯夷叔齊貞廉之師以德防患憂禍不存革之否歸妹之臨節之益

損 雄聖伏名人匿麟驚走鳳飛北亂潰未息否之大過剝之臨

益 久鰥无偶思配織女求其非望自令寡處

夬 破亡之國天所不福難以止息

姤 老慵多卻弊政為賊阿房驪山子嬰失國

萃 三殺六祥相隨俱行迷入空澤遙涉虎廬為所傷賊死於

牙腹

升 囁囁處懼昧冥相搏多言少實語无成事明夷之豫謙之乾

困 武陽漸離擊筑善歌慕丹之義為燕助軻陰謀不遂霍自

死亡功名賈施

井 尹氏伯奇父子分離无罪被辜長舌為災

革 五精亂行政逆皇恩湯武赫怒共伐我域

鼎 西歷玉山東入玉門登上福堂飲萬歲漿

震 行觸夫忌與司命悟執囚束縛拘制於吏幽人有喜剝

艮 機父不賢朝多讒臣君失其政保家久貧

漸 三人俱行北求大祥長孟病足請季負囊柳下之貞不失

我糧

歸妹 鵲思其雄欲隨鳳東順理羽翼出次須日中留北邑復歸

其室 益之觀需之

豐 常得自如不逢禍災 如一作加

旅 白鵠遊望君子以寧履德不愆福祿來成

巽 膚敏之德發憤晨食虜豹擒說為王得福 大有之困

兌 百足俱行相輔為強三聖翼事國富民康 屯之履

渙 生不逢時困且多憂年衰老極中心悲愁

節 出門蹉跌看道後旅買羊逸亡取物逃走空手握拳坐恨

相答

小過 牧羊稻田聞虎喧謹畏懼惕息終无禍患 隨之漸井之否剝之損

既濟 龍潛鳳北其子變服陰孽萌作

未濟 國无比隣相與爭強紛紛匈匈天下擾憂

小過之第六十二

小過 初雖驚惶後反无傷受其福慶

乾 積德累仁靈祐順信福祉日增

坤 謹慎重言不幸遭患周邵迷職脫免牢開

屯 鳥飛鼓翼喜樂堯德虞夏美功要荒賓服

蒙 牙孽生齒室堂啓戶幽人利貞鼓翼起舞

需 使伯東求拒不肯行與叔爭訟更相毀傷

小過

易林十六

四

訟 手足易處頭尾顛倒公為雌嫗亂其蚕織

師 匠卿操斧豫章危殆袍衣脫剥祿命訖已

比 天女踞床不成文章南箕无舌飯多砂糠虛象盜名雌雄

折頸大畜之益

小畜 大椎破轂長舌亂國墻茨之言三世不安

履 街命辱使不堪厥事中墜落去更為負載

泰 三蛇共室同類相得甘露時降生我百穀

否 衣繡夜遊與君相逢除患解惑使我不憂

同人 被髮獸心難與為隣來如風雲去如絕絃為狼所殘

大有 剛柔相呼二姓為家霜降既同惠我以仁家人之損中孚之坎漸之離

謙 牛耳聾聵不曉齊味委以鼎俎治亂憤憤

豫 低頭竊視有所畏避行作不利酒酢魚餒眾莫貪嗜鼎之解

隨 兩師娶婦黃巖季子成禮既婚相呼南上膏我下土年歲

大有 井之坤恒之晉豐之比豐之大過

蠱 戴盆望天不見星辰顧小失大遁逃墻外賁之蒙巽之漸益之中孚

臨 二人輦車徒去其家井沸釜鳴不可以居

觀 攘臂反肘怒不可二佞戾腹心无以為市

噬嗑 湯世之憂轉解喜來

賁 忠信輔成王政不傾公劉肇舉文武綏之

剝 登高斬木頓躓陷險車傾馬疲伯叔吁嗟

復 桑方隕落黃敗其葉失勢傾側如无所立

无妄 鸞鳳翱翔集于喜國念我伯姊與母相得

大畜 陰淫所居盈溢過度傷害禾稼

頤 霄冥高山道險峻難王孫罷極困於阪間

大過和璧隋珠為火所燒冥昧失明奪精无光棄於道傍

坎 虞君好神惠我老親恭承宗廟雖愠不去復我内事

離 爪牙之夫怨毒祈父轉憂與己傷不及母謙之 婦妹

咸 倉盈庾億宜稼黍稷年歲有息

恒 窓牖户房通利光明賢智輔聖仁德大行家給人足海内

殷昌 大畜 之升

遯 切切之患凶重憂荐為虎所吞

大壯 水无魚池陸為海涯君子失居小人相携

晉 九疑鬱林沮濕不中鸞鳳所惡君子攸去无妄 之巽

明夷 六翻况飛走婦不及脫婦王室亡其駢特

家人 不直莊公與我爭訟媒伯无禮自令塞壅

睽 倉庾多億宋公危殆吳子巢門殞命失所

蹇 失羊捕牛无損无憂

解 夏麥蜚蠊霜擊其芒疾君敗國使我誅傷泰之 賁

損 昧昧暗暗不知白黑風雨亂擾光明伏匿幽王失國

益 執斧破薪使媒求婦和合二姓親迎斯頊色比毛嬙姑翁

悅喜

夬 六疾生狂癡走妄行北入患門與禍為隣

姤 驅羊就羣假不肯前慶季復諫子之被患

萃 二人異路東趨西步十里之外不相知處

升 義不勝情以欲自營觀利危躬折角摧頸

困 騷騷擾擾不安其類疾在頸項凶危為憂

井 三河俱合水怒湧躍壞我王屋民困於食

革 陽曜旱疾傷病稼穡農人无食

鼎 流浮出食載券入屋釋鞍繫馬西南廡下
 震 門戶之居可以止舍進仕不殆安樂相保
 艮 過時不歸雌雄苦悲徘徊外國與母分離成之遯豫之大壯
 漸 中田有廬彊場有瓜獻進皇祖曾孫壽考
 歸妹 失恃无友嘉福出走僕如喪狗
 豐 反鼻岐頭三寡獨居
 旅 衣裳顛倒為王來呼成就東周封受大福
 巽 飛不遠去還歸故處興事多悔
 兌 含血走禽不曉五音匏巴鼓瑟不悅於心
 渙 求玉獲石非心所欲祝願不得
 節 山崩谷絕大福盡歇涇渭失紀玉石既已
 中孚 雜目懼怒不安其居散渙府藏无有利得

既濟眾邪充側鳳凰折翼微子復北去其邦國

未濟六月采芑征伐无道張仲方叔尅敵飲酒離之坎

既濟之第六十三

既濟玄兔指掌與足相恃謹訊詰問誣情自直冤死誰告口為身禍

乾 游駒石門駮耳安全受福西隣婦邑玉泉
 坤 陽春生草萬物盛興君子所居災禍不到
 屯 人无足法緩除才出雄走羊驚不失其家
 蒙 太山止奔變見太微陳吳廢忽作為禍患
 需 乘龍吐光使暗後明燎獵大得六師以昌
 訟 羊頭兔足羸瘦少肉漏囊貯粟利无所得渙之艮 剝之恒
 師 因禍受福喜盈其室螟虫不作君无可得

比 舜升大禹石夷之野徵詣王闕拜治水土 乾之中孚師之小畜兌之萃

小畜烏子鵲雛常與母俱顧類羣族不離其巢

履 夷羿所射發輒有獲增加鵠鷹雙鳥俱得

泰 晨風文翰大舉就温昧過我邑羿无所得 小畜之革大過之豫大壯之震

否 六喜三福南至歡國與喜忻樂珪我潔德

同人 闕龍股折日遂不明自外為主弟伐其兄

大有 蒙慶受福有所獲得不利出門

謙 蠻戎夷狄太陰所積涸水沍寒君子不存

豫 畏昏潛處候時昭明卒遭白日為榮祿主

隨 水流趨下欲至東海求我所有買魴與鯉 始之否損之需益之无妄

蠱 冠帶南遊與福喜期徼於嘉國拜為逢時

臨 莎雞振羽為季門户新沐彈冠仲父悅喜

觀 結衿流粥遭讒桎梏周召述職身受大福

噬嗑 田鼠野雞意常欲逃拘制籠檻不得動搖 夬之謙需之隨巽之隨

賁 居華巔觀浮雲風不搖雨不濡心平安无咎憂

剝 傾倚將顛不能得存英雄作業家困无年

復 心願所喜今乃逢時保我利福不離兵革 兌之蹇

无妄 靈龜陸處盤桓失所阿衡退耕夏封於國

大畜 弱水之右有西王母生不知老與天相保不利行旅

頤 抱瓊求金日暮坐吟終月卒歲竟无成功

大過 言笑未畢憂來暴卒身加楹檻囚繫縛束

坎 望幸不到文章未成王子逐兔犬蹄不得 未濟之兌渙之

離 震慄恐懼多所畏惡行道留難不可以步

咸 雄狐綏綏登山崔嵬昭告顯功大福允興

恒 火起吾後喜爻倉廩龍銜水深湫注屋柱雖憂无咎
遯 危坐至暮請求不得膏澤不降政戾民忒利之順需之順漸之坎
大壯孟春和氣鷹隼搏鷙衆雀憂憤

晉 緩法長奸不肯理冤浮沉失節君受其患
明夷魚鱉貪餌死於網釣受危國寵為身殃咎

家人金精輝怒帶劍過午徘徊高庫宿於山谷兩虎相拒弓矢

震之豫

睽 四目相望稍近同光並坐鼓簧

蹇 茹芝餌黃飲酒玉英與神流通長无憂凶

解 求璋嘉鄉惡虵不行道出岐口還復其床

損 天門地戶幽冥不覩不知所在

益 跌足息肩有所忌難金城鐵郭以銅為關藩屏自衛安止

避之旅

夬 三雁俱飛欲歸稻池先涉霍澤為矢所射傷我胃臆

姤 濟流難渡濡我衣袴五子善權脫无他故

萃 飲酒醉酗跳起爭鬪伯傷叔僵東家治喪比之鼎大畜之晉益之蒙

升 跌躓未起後失利市蒙被咎殃

困 辰次降婁建星中堅子无遠行外顛霄陷遂命訖終

井 商風召寇來呼外盜間謀內應與我爭鬪殫已寶藏主人

不勝

革 甘露醴泉太平機關仁德感應歲樂民安

鼎 祭仲子突要門逐忽禍起子商弟伐其兄鄭久不昌

震 反孽難步留不反舍露宿澤陂亡其襦袴

艮 狼虎結謀相聚為保伺候牛羊病我商人

漸 明德克敏重華貢舉放勳徵用八哲蒙佑

婦妹貧鬼守門日破我盆毀罌傷瓶空虛无子損之

豐 天命赤烏與兵徵期征伐无道箕子遊遨

旅 威約拘囚為人所誣臯陶平理剖械出牢脫歸家閭

巽 羊驚虎狼聳耳羣聚无益威彊為齒所傷

兌 初雖號啼後必慶笑光明照耀百喜如意

渙 馬服長股宜行善市蒙祐諧耦獲金五倍

節 應門內崩誅賢殺暴上下咸悖景公失位長婦無恒望妻

不來

中孚執斧破薪使媒求婦好合二姓親御斯湏色比毛嬙姑悅

公喜小過之益

小過兩輪日轉南上大阪四馬共轅无有險難與禹笑言貴之

未濟千柱百梁終不傾僵周宗寧康

未濟之第六十四

未濟忠慢未習單酒糗脯數至神前欲求所顧反得大患

乾 旦生夕死名曰嬰鬼不可得視渙之大過震之坤小畜之萃

坤 大步上車南到喜家送我狐裘與福喜來節之觀大過之困中孚之泰

屯 西多小星三五在東早晨行勞苦无功大過之夬

蒙 北陸藏冰君子心悲困於粒食鬼驚我門

需 山水暴怒壞折梁柱稽難行旅留連愁苦

訟 比目四翼來安吾國福喜上堂與我同牀損之隨同人

師 狡兔趨趨良犬逐咋雄雌爰爰為鷹所獲

比 增祿益福喜來入室解除憂惑

小畜騎龍乘風上見神公彭祖受刺王喬贊通巫成就位拜福

未濟

易林卷六

六

无窮家人之剥

履 天火卒起燒我旁里延及吾家空盡已財

泰 金帛共寶宜與我市嫁娶有息利得過倍

否 鬼魅之居凶不可舍

同人 鳥飛兔走各有畏惡鵬鷹為賊亂我室舍

大有 初雖驚惶後乃无傷受其福慶

謙 兩金相擊勇氣均敵日月闢戰不破不缺

豫 曳綸河海掛釣魴鯉王孫利德以享仲友

隨 犬畏狼虎依人有輔三夫執戟伏不敢起身安无咎

蠱 蜘蛛作網以伺行旅青蠅嚙聚以求膏腴觸我羅絆為網

所得

臨 所望在外鼎金方來拭爵滌罍炊食待之不為季憂

觀 日月並居常暗匪明高山崩顛上陵為谿蹇之咸

噬嗑 春服既成載華復生莖葉盛茂實具穗泥泥

賁 華首山頭仙道所由利以居止長无咎憂

剥 三狐羣哭自悲孤獨野无所游死於丘室

復 火中暑退禾黍其食商人不至市空无有

无妄 獨立山顛求鹿耕田草木不闢秋飢无年

大畜 火雖熾在吾後寇雖近在吾右身安吉不危殆歸妹之震

頤 齟齬齟齬貧鬼相責无有懼怡一日九結豐之晉

大過 追亡逐北呼還幼叔至山而得反歸其室渙之臨 需之渙

坎 銜命辱使不堪厥事遂墮落去更為斯吏

離 被珠銜玉沐浴仁德應聘唐國四門穆穆蠹賊不作凶惡
伏匿

咸 機關不便不能出言精成通道為人所寬
恒 甕破盆缺南行亡失

遯 唇亡齒寒積日凌根朽不可用為身災患

大壯 蒙惑憧憧不知西東魁罡指南告我室中利以宜止去國

憂患

晉 鳥鷗搏翼以避陰賊盜伺二女賴厥生福旱災為疾君无

黍稷

明夷 名成德就項領不試景公耄老尼父逝去

家人 言與心詭西行東坐絲湮洪水佞賊為禍

睽 獫狁匪度治兵焦穫伐鎬及方與周爭彊元戎其駕衰及

夷王 末句一作以安我王

蹇 三火起明雨滅其光高位疾顛驕恣誅傷

解 承川決水為吾之祟使我心憤母樹麻象居止凶咎

損 厭浥晨夜道多湛露沾我襦袴重難以步

益 宜行賈市所求必倍載喜抱子與利為友

夬 陰變為陽女化為男治道得通君臣相承

姤 樹蔽牡荆生蔚山旁仇敵背憎孰肯相迎

萃 坐茵乘軒據德宰臣虞叔受命六合和親

升 雲興蔽日雨集草木年茂歲熟

困 蟠梅折枝與母別離絕不相知

井 天旱水涸枯槁无澤困於沙石未有所獲

革 圭璧琮璜執禮見王百里甯戚應聘齊秦

鼎 龍渴求飲黑雲景從河伯捧醴跪進酒漿流潦滂滂

震 電梅零蒂心思憤憤亂我靈氣

艮 鹿求其子虎廬之里唐伯季耳貪不我許渙之既濟隨之否

漸 穿匏挹水篝鏤燃火勞疲力竭飢渴為禍

歸妹 龍生馬淵壽考且神飛騰上天舍宿軒轅常居樂安

豐 崔嵬北岳天神貴客温仁正直主布恩德衣冠不已蒙受

大福

旅 鬼夜哭泣齊失其國為下所賊

巽 二政多門君失其權三家專制禍起季孫

兌 望幸不到文章未就王子逐兔犬蹄不得渙卦

渙 伯虎仲熊德義昭明使布五教陰陽順序

節 兩足四翼飛入家國寧我伯叔與母相得

中孚 春秋禱祀解禍除憂君无災咎

小過 牧羊稻園聞虎喧謹懼畏悚息終无禍患剝之損井之否隨之漸

既濟 大蛇巨魚相搏於郊君臣隔塞郭公出廬

焦氏易林卷第十六

易本一六

易本一六

後序

此書今本之誤非校宋本不能正者如賁之鼎東門之壇乃詩鄭風文正義云徧檢諸本字皆作壇又云今定本作壇釋文云壇音善依字當作壇可見作易林時固是壇字今作壇者誤依定本以後毛詩所改似是實非頤之解飢人入室乃史記殷本紀所謂及西伯伐飢國滅之徐廣曰飢一作飢又作者即尚書大傳之西伯伐者也今飢人作箕仁臆改而誤萃之漸橘柚請佩乃韓詩內傳漢有游女事所謂聘之橘柚者也今橘柚作禱神亦臆改耳旅之蒙封豕溝瀆全取史記天官書語今豕作豕失之遠矣其類甚夥咸有如風庭之掃葉也顧君千里見語曰讀此書之法又有三焉以復見求之也以所出經子史等求之也以韻求之也如此之震扶杖伏聽誤无妄之中孚扶下無杖

字聽下有命字者是允之否扶作俯亦非扶伏者匍匐也大過之蠱故革懈惰誤遯之益鼎之既濟作五祭解墮者是祭或體作輦也豐之困膠牢振振冠帶無憂誤明夷之旅作膠目啓牢振冠無憂者是呂覽贊能說管仲事正曰膠其目也此皆可得之於複見者如乾之咸反得丹穴女貴以富貴當作清本史記貨殖列傳而巴蜀寡婦清其先得丹穴大畜之訟哀相無極哀相當作衷相本左氏傳皆衷其相服小畜之漸鳴鳩飛來晉之艮作餌吉知來家人之大畜作神鳥來見皆誤當作鴉鵠知來本淮南汜論訓乾鵠知來而不知往鄭注大射儀引作鴉此與之同始之晉販鼠賣卜卜當作朴本戰國策周人謂鼠未腊者朴升之艮扶陝之岐扶陝當作杖策本尚書大傳遂杖策而去過梁山邑岐山今本大傳杖策誤倒震卦枯瓠不朽朽當作材

本國語苦匏不材於人既濟之鼎禍起于商子當作于于於也商宋也謂禍起於宋雍氏本左氏傳也此皆可得之於所出經子史等者如訟之損更相擊劒劒當作詢明夷之臨不誤大畜之家人作詢亦非以詢與下走爲協晉之漸神君之精之精當作乏祀以祀與上起理爲協革之豫沾我袴襦重難以涉袴襦當倒涉當作步未濟之損不誤以袴步爲協允之噬嗑茂樹斬枝枝當作枚以枚與下飢爲協此皆可得之於韻者其類亦甚夥難以悉數又如豫之豐云一說文山蹲鳴一說即一作也由是以推凡一繇數句而上下語意不類蓋皆脫去一作字而誤相連并耳此又一法也讀者苟於校宋本得之之外循是而各各求之思過半矣予甚然其言附著於末以貽好學者若夫繁文衆詞自我作古冀博善讀書之名而其意不在書乃顧君生

平深惡痛絕者予雖不敏亦未忍爲此態也已閏五月廿四日
丕烈又書

後序
平深惡痛絕者予雖不敏亦未忍爲此態也已閏五月廿四日
丕烈又書

從兄蓋臣向假得瞿曇谷宋校本易林勘得刻本字
句碩異余借校此帙未及卒業而罷距今已十有一
載而蓋臣遺世亦已五年矣頃從友人借得曇谷校
本勘畢覆勘一過復多是正遂于此書無憾蓋宋本
出之□翁家藏絳雲一炬久爲劫灰此書種子幸留
人間亦可寶也據曇谷云宋本本有全注未及舉錄
失之一時奪之千載能無奇書不傳之慨丁未仲夏
九日燈下記常熟陸貽典

八日遊不陸常與韻典

夫之七律二十海無音書不舉之理丁未中

入間亦不實也然曼谷云宋本有合生才及

出之口律來難於一取大為賦又此書

本則畢費一四更身是五更十止書

難而着則黃由亦已正平矣實與文入音

向爾與余前對此知本及平書而羅

效又蓋耳向爾與余前對此知本及平書



